

川戈宿焚林竭山刑法非宜殺傷乖理或為
 臣下忠穢慢三光呵忿雷雨不敬天地不畏
 神明積行所為罪條無量或前竟未解宿債
 未原往報未祛深殃未懺身歿之後流曳三
 官痛毒備嬰魂神幽閉在窮泉之下地獄之
 中一沉永夜生道斷絕動經億劫開度無由
 或受幽囚或充考掠負山運石捷汲溟波走
 電驅雷辛勤無息冥冥受報望返何期自非
 大道開恩天尊慈護負斯痛惱懺技無階以
 今一念至誠洗心歸向無邊之苦並乞救除
 伏冀歷劫種種親曾魂爽垂茲勝福咸得生
 天墳家安全註訟寧息九泉罷考幽夜光明
 六道四生含靈抱識俱登福岸齊契真正上
 願道化興行二儀貞靜三光朗曜帝業遐昌
 文軌大同烽煙罷戢干戈疫毒水火旱蝗無
 挽黎元無侵境域俗臻富壽化洽和平齋主
 某家眷屬六親常承玄祐十災殄息萬善資
 熏所啓所析克蒙御達所首所謝皆獲感通
 上明
 天尊慈施之澤下副_日等懺謝之誠謹啓以

聞

發願

一願大道流行普天懷德二願一切有生成
 皆悟道三願九夜悲魂一時解脫四願孤魂
 無依咸得受生五願天下太平五穀豐熟六
 願臣忠子孝君仁父慈七願四海通同克親
 和釋八願潛胞處卵咸得生成九願積疾新
 病旋即痊愈十願孤露衆生豐衣足食

復爐

香官使者左右龍虎君侍香諸靈官當令_臣
 行道之所自然生金液丹碧芝英百靈衆真
 交會在此洞紫爐前令_臣學道得道求仙得
 仙十方仙童玉女接待香煙傳_臣向來所啓
 之言速達徑御

太上無極大道金闕玉陛下

出戶

太上黃籙齋儀卷之三十九

太上黃籙齋儀卷之四十

唐廣成先生杜光庭集

五六

解考三時行道

投詞禁壇宿啓一如靈寶法

衆官列位於玄師前立定

唱道

華夏讚引至地戶

入戶

旋行上五方香從東為始

上御案香

上香齋呪

上本位香

各禮師存念如法

衛靈

晨精朗曜 紫煙御空 星壇煥映

變化靈宮 _{五六} 日魂月魄 離坎翼中

金真嘯命 神虎辟邪 吉日行事

八威鼓從 玉華羅敷 徘徊飛虹

天光下盼 道炁豐隆 含靈普濟

流慶無窮

鳴法鼓二十四通

无上玄元太上道君召出_臣身中三五功曹左右官使者侍香金童傳言玉女五帝直符直日香官各三十二人出出者嚴裝關啓此間上地里域真官正神急上關啓_臣今奉為入意願得靈寶自然生神妙炁下降流入口等身中_臣所啓之言速達徑御太上无極大道虚无自然金闕玉陛下

各稱法位

具位_臣某謹同誠上啓

虚无自然元始天尊无極大道太上大道君太上老君昊天玉皇上帝十方已得道大聖衆至真諸君丈人三十六天帝君王虛上帝玉帝大帝東華南極西靈北真玄都玉京金闕七寶玄臺紫微上官靈寶至真明皇道君三十六部尊經玄中大法師三界官屬一切真靈_臣等伏聞大化既分萬靈稟質陰陽升降以定其死生賞罰幽明以彰其罪福古今無爽巨細必均至道宣慈救之科靈寶有懺祈之典式憑齋薦以拯幽昏_臣獲備職司得

披玄典凡有陳露敢不上聞

讀詞

按如詞言志深修奉仰慮僞冒萬祖内外親緣爰及亡靈前生累劫有難原之罪莫大之愆無量無邊結固不解或在十方世界五嶽九幽及水府地司陰宮夜境窮魂苦魄執閉重泉水火風刀晝夜考掠形神毀碎痛毒難勝注引子孫殃流後胤冥冥長夜解脫無由輒按經科願希遷拔精修齋直懺解乞恩悌注丹誠上祈玄鑒以今某分行道請法衆等運茲初捨上香

願此香煙騰空徑上供養

无上至真道寶_臣等歸身歸命首體投地仰依

太上三尊願以是功德歸流某家三十六世

九祖七玄爰及亡靈一切幽爽願神光下照息幽暗於九冥道力普沾罷考對於諸獄克仇銷釋罪咎錫除浴魂神於流火池中託生化於南昌宮内天衣掛體惠露澄心永絕惡緣長登福界今故燒香歸依

師尊大聖衆至真之德得道之後昇入元為和與道合真

以今某分行道請法衆等運茲二捨上香願此香煙騰空徑上供養

无上至真經寶_臣等歸身歸命首體投地仰依

依

太上三尊願以是功德歸流國家九廟尊儀宗祀先聖凝神絳闕垂貺鴻圖

皇帝德契三無仁敷九有靈瀛昭泰風雨均調上年遠邁於宗周弘化克光於大漢干戈

不作夷夏又康今故燒香歸依師尊大聖衆至真之德得道之後昇入元為和與道合真

以今某分行道請法衆等運茲三捨上香願此香煙騰空徑上供養

无上至真師寶_臣等歸身歸命首體投地仰依

太上三尊願以是功德奉福某家永享福祥成臻貞吉災消未兆罪滅無涯九族六親共成玄祐泊乎飛沉動植含識有情地獄幽靈

成玄祐泊乎飛沉動植含識有情地獄幽靈

四生六趣道風遐扇聖澤普沾同悟無為盡
昇諸品今故燒香歸依
師尊大聖衆至真之德得道之後昇入元為
和與道合真

東方

五六

臣等至心歸命

東方无極大道太上老君太上丈人元始天
尊東鄉神仙諸靈官三禮各虔誠懺謝

懺悔已後

臣等今故燒香奉為某乙修建靈寶解考妙
齋轉經行道懺悔億曾萬祖及三十六世已
來受及亡靈無邊之罪或行違正道結佞無
端嫉妬賢能濁亂神道酷虐無度殺戮任心
自營違明慶靈謀議殃罪結固積若丘山貴
重考深未蒙原解魂神執繫在木官東獄刑
拷獄中銅柱鐵床金錘之考晝夜痛毒食息
無寧注訟生人求乞赦拔冥冥長夜解釋無
由以今行道結齋折恩懺滌伏冀大慈開宥
道力垂光告下東府之中擣官門下解存亡

殃考遷拔魂神受福天堂生神上境幽明咸
泰仰荷玄恩得道之後昇入元為和與道合
真

南方

臣等至心歸命

五六

南方无極大道太上老君太上丈人元始天
尊南鄉神仙諸靈官三禮各虔誠懺謝

臣等今故燒香奉為某乙修建靈寶解考妙
齋轉經行道懺悔億曾萬祖及三十六世九
祖七玄下及亡靈無邊之罪或任心慈毒殺
害無辜結誓違明慶害於物邪淫放蕩凌暴
貞良違背善階與造罪業冒犯天地日月一
切神明考重殃深未蒙原赦魂神執繫在火
官南獄刑拷獄中爐炭焚燒刑殘之苦晝夜
考掠痛毒難勝殃注子孫流連無已冥冥長
夜解拔無由以今懺謝洗心修齋行道伏冀
三尊鑒祐大聖垂慈告下南宮火官刑拷門
下赦其積罪開放幽魂出霍山地獄之中生
洞陽朱宮之内子孫蒙福永荷靈恩得道之
後昇入元為和與道合真

西方

臣等至心歸命

西方无極大道太上老君太上丈人元始天
尊西鄉神仙諸靈官三禮各虔誠懺謝

臣等今故燒香奉為某乙修建靈寶解考妙
齋轉經行道懺悔億曾萬祖及三十六世已
來受及亡靈無邊之罪或行乖慈育不惠不
仁不忠不孝毀傷良善犯冒神明違越五常
恣行諸惡魔構呪詛造作無端考重殃深未
蒙原赦魂神執繫在金官華山刑拷獄中劍
樹刀山風雷之苦晝夜考掠痛毒備注訟
子孫殃流見在冥冥長夜解拔無由以今懺
謝乞恩修齋行道伏乞大慈哀育萬聖迴光
告下西府之中擣官門下解拔幽苦原赦魂
神託廢神庭往生淨域見存安泰永荷玄恩
得道之後昇入元為和與道合真

北方

臣等至心歸命

北方无極大道太上老君太上丈人元始天
尊北方神仙諸靈官三禮各虔誠懺謝

臣等今故燒香奉為某乙修建靈寶解考妙齋轉經行道懺悔億曾萬祖三十六代已來若存若亡無邊之罪或上達天道下犯地司穢瀆三光輕凌四大怨恚風雨牽引鬼神魔蠱於人殘害於物魂神執對在水官鎮山刑拷獄中寒冰夜庭冰河之苦肌肉凍裂痛毒難勝引達生人求乞救拔冥冥長夜解釋無由以今行道修齋虔誠懺謝伏冀天尊大聖降囚極之恩告下北府之中考官門下赦其罪咎選拔苦魂出長夜寒庭離三塗五苦上生淨域利祐見存族屬安享存亡開泰焚如所願仰荷玄恩得道之後昇入无為和與道合真

東北方

臣等至心歸命

東北方无極大道太上老君太上丈人元始天尊東北鄉神仙諸靈官三禮各虔誠懺謝臣等今故燒香奉為某乙修建靈寶解考妙齋轉經行道懺悔億曾萬祖及三十六代已來若存若亡無邊之罪或為子不孝為臣不

忠為父不慈為君不道妬賢嫉善背正崇邪口是心非自欺形影五逆偏造眾惡備行枉害無辜傷殺非理從生入死怨讎上天呪詛神明魔穢巫蠱殃深罪重繫在土官下元刑拷獄中者掠萬般形魂毀瘁冥冥長夜解拔無由因今懺罪乞恩立齋行道伏冀十天降有三聖開恩告下土府之中考官門下解釋罪對原赦魂神離執閉之鄉出重檻之苦浴神丹霍騰景朱陵注訟未除子孫寧泰存亡同福仰荷玄恩得道之後昇入无為和與道合真

東南方

臣等至心歸命

東南方无極大道太上老君太上丈人元始天尊東南鄉神仙諸靈官三禮各虔誠懺謝臣等今故燒香奉為某乙修建靈寶解考妙齋轉經行道懺悔億曾萬祖及三十六代已來若存若亡無邊之罪或為強暴肆意凌人輕侮孤窮憎嫌老病彰人之惡掩人善功瀆亂親疎抑伏孤弱圖謀非道詛謗聖賢破

人成功嫉人勝已傷殺非理縱橫任心引天地日月星辰以為質證罪深責重魂繫地府考官獄中水火風刀晝夜考掠更相注逮解拔無由以今懺謝宿愆修齋行道伏冀十方上聖五帝高尊告下東南方刑拷獄中考官門下拔贖幽魂鹽沐形魂積罪蠲消宿殃除蕩生神福路利祐見存禍滅九陰災沉四境幽明同福永荷玄恩得道之後昇入无為和與道合真

西南方

臣等至心歸命

西南方无極大道太上老君太上丈人元始天尊西南鄉神仙諸靈官三禮各虔誠懺謝臣等今故燒香奉為某乙修建靈寶解考妙齋轉經行道懺悔億曾萬祖及三十六代已來若存若亡無邊之罪或綺言無實矯詐非真欺誑賢愚凌侮真聖附強抑弱貪清無狀或爭利競財互相殘害或圖祭嗜色侵虐貞賢結誓立盟牽神引鬼因成殃對積在幽冥魂繫地府之中考官門下誠開重陷不覩光

明考掠備嬰終天無解以今修齋行道謝罪
 乞恩伏冀上聖上真大慈大宥神光下照陰
 關開明告下西南方刑擗獄中考官門下幽
 魂開度淨域上生福善遐沾存亡俱泰蒙如
 所啓仰荷玄恩得道之後昇入无為和與道
 合具

西北方

臣等至心歸命

西北方无極大道太上老君太上大人元始
 天尊西北鄉神仙諸靈官三禮各虔誠懺謝
 臣等今故燒香奉為某已修建靈寶解考妙
 齋轉經行道懺悔億曾萬祖及三十六代已
 來^{下及七靈}無邊之罪深殃重考累劫未原
 六趣三塗受諸報對魂神執繫在地官刑擗
 獄中痛毒難堪延殃後嗣更相流注億劫無
 窮以今懺罪立齋乞蒙哀宥伏冀蒙上聖
 眷降慈光解救窮魂出離幽苦告下西北方
 刑擗獄中考官門下深慈注湯積靈銷平寬
 對和寧存亡開度蒙如所啓仰荷玄恩得道
 之後昇入无為和與道合具

上方

臣等至心歸命

上方无極大道太上老君太上大人元始天
 尊上方神仙諸靈官三禮各虔誠懺謝
 臣等今故燒香奉為某已修建靈寶解考妙
 齋轉經行道懺悔億曾萬祖及三十六代已
 來^{下及七靈}無邊之罪或上犯具道穢慢三
 光探露神明呵忿雷雨欺罔具聖不懼幽明
 九府結形三官舉考魂神執繫在三塗九幽
 刑擗獄中流曳寒庭幽閉長夜冥冥億劫不
 覩光明流注子孫引遠存歿更相拘礙洗滌
 無由以今行道立齋披心懺謝伏冀三尊大
 聖諸天衆真三光列宿四司五帝同垂巨澤
 普降洪恩告下上方地獄之中考官門下赦
 除積罪拔度苦魂昇入福堂開經悟道存亡
 俱泰注訟永消一切有情同登福岸蒙如所
 啓仰荷玄恩得道之後昇入无為和與道合
 具

下方

臣等至心歸命

下方无極大道太上老君太上大人元始天
 尊下鄉神仙諸靈官三禮各虔誠懺謝
 臣等今故燒香奉為某已修建靈寶解考妙
 齋轉經行道懺悔億曾萬祖及三十六代已
 來^{下及七靈}無邊之罪或妄為師道刻截土
 地丘陵岡原王脉毀傷墳壙廟禁過神祇塞絕
 水源斷山涇谷破城隍杜稷犯侯伯土官不
 懼神明恣行罪咎魂神執繫在下方世界九
 幽地獄之中級長夜之河以灌四瀆負山運
 石竊投萬端痛苦備嬰終天無解上延前世
 下及子孫報對未原殃重考責以今立齋行
 道懺拔罪根伏冀上聖衆尊開慈救之澤告
 下九地五嶽四瀆山川泰山岱宗鄭都地府
 下方世界刑擗獄中考官門下赦除積生累
 劫無量罪因遣拔窮魂出離幽苦道遠具境
 安處福庭流嗣繁昌存亡同福蒙如所啓仰
 荷洪恩得道之後昇入无為和與道合具

十方

臣等至心歸命

十方已得道大聖衆至真諸
 君丈人十鄉神仙諸靈官三禮各虔誠懺謝

2021.4.19

臣眾等歸身歸神歸命今故燒香行道奉為
共已修建太上靈寶解考妙齋懺悔三十六
代以來億萬祖若存若亡無邊之罪或上
犯諸天大聖大道眾尊三光五行虛空聖眾
風雲雷雨一切神明或下犯五嶽諸山三十
六地丘陵水府地下職司或干冒聖賢違侍
仁義犯古今靈跡乘四大五常動結罪因舉
成殃對十惡備造五逆徧為生無善功死有
惡對沉淪五苦流曳三塗諸役窮魂未蒙原
赦以今修齋行道懺拔罪根伏冀太上三尊
開大慈之澤降九龍符命告下諸方世界考
官地獄之中出長夜之魂沐浴朱陵之庭冠
帶洞陽之府生神福岸流貺子孫吉祐來臻
存亡安泰蒙如所啓仰荷玄恩得道之後昇
入元為和與道合真

各思九色圓象咽液命魔密呪

步虛旋遶

太極分高厚 輕清上屬天 人能修至道
身乃作真仙 行溢三千數 時丁四萬年
丹臺開寶笈 金口為流傳

大梵三天主 虛皇五老尊 尚難窺微妙
宣復八名言 寶座臨金殿 寶冠照玉軒
萬真朝帝所 飛鳥躡雲根 人聲自抑揚
華夏吟歌遠 殿閣沉檀散 接臺月露涼
曲折合宮商 至誠何以祝 多稼永豐穰

三禮

等至心稽首禮

太上元極大道

等至心稽首禮

三十六部尊經

等至心稽首禮

玄中大法師

重稱法位

具位臣某謹重誠上啓

太上元極大道元始天尊太上道君太上老
君等護以凡微承奉科戒遵行聖旨職在
救濟拔存亡普令安泰凡有陳告敢不上
聞今有某官齋信奉詞披誠露懇請修齋直
謝罪乞恩臣依典按儀考專玄式竊聞先人

正一天師清微弟子洪百堅製作
道教學術資訊網站

為善則福及子孫為惡則殃流後世罪福報
對如影隨形非備懺祈無由洗滌某家九玄
七祖後世先士無數劫來恐犯諸罪目或犯
三元所禁百八十條或犯玉匱罪源一十四
品六情所構三業所為十惡眾非積在陰府
或目耽五色不識正真耳滯五聲不聞至理
口貪五味食噉傷生身處五纏染飲傷性或
上違天道犯日月星辰下犯地冥及山川丘
廟中悖人事虧仁義之和為子為臣不忠不
孝為君為父不道不慈口是心非妬賢嫉善
侵害人物凌侮孤貧離親合疎崇邪背正刻
刻財利侵奪功名竭澤焚林釣潛弋宿飛鷹
走狗烹殺無邊或九族相殘六親相暴言無
義讓行必侵欺或為職為官貪財為志調上
虐下以取威名楚撻無辜誅殺非罪或誓盟
呪詛牽引神祇或土木興功毀傷墳廟任心
肆意罪結禍深魂繫三塗幽閉長夜千痛萬
考億劫難原香者天堂法橋路斷冥冥地獄
出離無由遂使靈注生人災纏後嗣所為蹟
滯動過凶衰因今潔懇披心歸依懺謝冥祈

三寶指諸天伏冀大聖垂慈普賜哀宥勅
四司五帝三界威神告下地府九幽考官僚
屬原赦億曾萬祖一切魂靈釋罪除愆和寬
解谷開重牢幽獄放赦苦魂劍樹摧鋒刀山
偃刃寒鄉冥夜盡觀光明瑩質南丹昇神碧

落道遜八景參乘十天擣官等遷秩太真飛
行金闕其家災殃殄息善報來臻登壽福之
階享安貞之報泊乎四生六趣有識有情同
賴勳修並昇道岸三光玄曜六氣均和
帝作遐長天下咸泰上明

天尊大慈之澤下副臣等懺謝之誠謹啓以
聞

發願

一願乾坤明素二願氣象清玄三願聖人萬
壽四願化洽八埏五願天垂甘露六願地發
祥煙七願四時應節八願萬物生全九願家
多孝悌十願國富才賢十一願隲官獲福十
二願學道成仙

復爐

香官使者左右龍虎君侍香諸靈官當今臣

行香之所自然生金液丹碧芝英百靈衆真
交會在此香火爐前今臣學道得道求仙得
仙齋主受福存歿沾恩今臣所啓之言速達
徑御
太上无極大道虛无自然金闕玉陛下

言功口章

具位臣某等稽首上啓

太上无極大道元始天尊太上大道君太上

老君三十六部尊經玄中大法師靈寶官屬

一切真靈臣等獲奉正真參修秘妙思弘齋

福以濟生靈臣以某月某日為某官以某事

奉修靈寶解考大齋懺謝存亡解銷寃考燒

香然燈照耀諸天誦誦靈音行道禮懺解億

曾萬祖因謫罪魂乞免離十苦八難轉入信

根若千日行道轉經今功圓事竟謹遷立齋

所請兵馬騎乘及靈寶官屬監齋衛具諸吏

監臨衛護有功勩者謁言真宮進品上仙如

爵帝秩令臣等功圓行滿騰景九天日月同

暉三寶齊耀惟蒙

上聖鑒映丹心臣等或進止犯科不合儀式

未悟之罪一乞原除五體真官隨功還賞爰
秩事訖與臣等同昇謹啓以聞伏須告報臣
等誠惶誠恐稽首拜禮以
聞

臣姓某屬某郡縣某號

太清玄元无上三天无極大道太上老君太

上丈人天帝君九老仙都君九炁丈人百千

萬重道炁千二百官君太清玉陛下

某年太歲某月某朔某日某於某處

拜上

法事畢散送三師等如靈寶儀若

一中行道不須宿啓如一日兩夜

或日數稍多即依靈寶科文啓齋

署職宣禁說戒言功後還戒復職

事事如法不得率爾而行